

TSHOOJ II - FEEM II

PHIJ LAJ, NIAM TAIS NTSHUAB  
thiab NIAM LAUS

TUB PHIJ LAJ thiab NIAM TAIS NTSUAB:

Hmoob txoj kab tshoob kev kos yeej ib txwm muaj tub phij laj thiab niam tais ntsuab mus nrog txais tshoob txais kos. Tus tub phij laj yuav tsum yog cov kwv yau ntawd tus vauv ib cuab xeem nrog mus ua yaig ua luag. Hmoob 18 Xeem tau pom zoo hais tias tub phij laj thiab tus niام tais ntsuab nkawv yuav tsis pub xaiv phaj tis los sis hnub nyog lawm. Tab sis txwv tsis pub kom tus niام tais ntsuab thiab tub phij laj nkawv yog tus nyab ib cuab xeem. Vim Hmoob 18 Xeem pom tau hais tias yog cov muaj kwv tij, nkauj muam coob, kuj tsis luaj twg. Tab sis cov kwv tij tsawg, tsis muaj kwv tij thiab nkauj muam txum phaj, yuav tsis pom qab mus vam leej twg. Yog tsis muaj phij laj thiab niام tais ntsuab, yuav tsis paub mus xaus tshoob. Txoj cai tshoob no siv rau txhua rooj tshoob; xws li tshoo phwb, tshoob lawv los sis tshoob niام tog txiv nta. Yog leej twg yuam cai, nqi kho txoj cai tshoob no yog **\$100.00** (Amended 08/01/2019).

NIAM LAUS:

Hmoob 18 Xeem pom zoo hais tias tus ntxhais, yog tus niام hluas xub yuav txiv, tus niام hluas tsuas muaj cai qhwv cov niام laus hauv caug ib tug twg **\$50.00** xwb (Ameneded 08/01/2019).

TSHOOJ II – FEEM - III:

THOOB XO / FI XOV

Hais txog kev THOOB XO, Hmoob txoj kab tshoob kev kos, poj ua tseg yawm ua cia, tus tub thoob xo yuav tau pe niام pe txiv, niام hlob, txiv hlob, niام ntxawm, txiv ntxawm thiab neej nus txhua tus. Yog li Hmoob 18 Xeem pom zoo kom yog leej twg mus thoob xo, yuav tsum tau pe raws li txoj kab tshoob kev kos, poj ua tseg yawm ua cia. Kev pe, yuav tsis kom pe npaum li cas, tsuav yog pe:

a. Pe niام, txiv, niام hlob txiv hlob, niام ntxawm txiv ntxawm, nus tij nus kwv, poj koob yawm koob thiab ncej dab ncej qhuas.

Yog tsev neeg ntawd ho coj kev cai tshiab, los cheem tsis pub pe no los, tus tub thoob xo yuav tau mloog li lawv hais es tsis txhab pe. Yog leej twg mus xeeb tshoob xeeb kos, hos tsis pe raws li txoj kab tshoob kev kos, lub txhooj teev tseg no, kev txhaum txheej:

- a. Nyob ntawm ob tog niام txiv sib tham haum kom koob mus yoj, xov los nyog. (Amended 08/01/2019)

NTAU QHAUV TSIS PAUB FAIB HNO:

Hmoob 18 Xeem txwv tsis pub qhwv qe / tsab kab yeeb rau cov niام txiv neej nus uas tuaj ua ke rau hauv tsev lub caij tab tom thoob xo. Qhov no, vim hais tias thaum fi xov ntawd, twb ntshai tsam feeb tsis txhij tsis txhua es thiaj li muab \$60.00 los ntaus qhauv tsis paub faib hno ntag (Amended 08/01/2019).

TSHOOJ II – FEEM – IV: LUB NCAUJ TSIAG

Hmoob 18 Xeem tau muab lub ncauj tsiag rov los tsuam xyuas dua ib zaug ntxiv kom phim rau lub txhooj kab tshoob kev kos lub caij lub nyog tiam no.

Raws li Hmoob 18 Xeem tau tshawb fawb thiab ntsuam xyuas mas pom hais tias muaj teeb meem heev txog ntawm "Lub ncauj tsiag" uas niام txiv muab phij cuam rau tus ntxhais thiab tus vauv coj mus tuav pov hwm, los sis coj mus chiv peev ua neej. Thaum lub sij hawm tus ntxhais thiab tus vauv nkawv muaj kev tsis sib haum xeeb, lub neej tawg, ces tus vauv ho tsis kam thim lub ncauj tsiag rov qab, vim cov nyiaj ntawd yog nkawv muab siv muas noj muas haus tag lawm. Yog li no, Hmoob 18 Xeem tau pom zoo raws li nram no:

1. Yog tus tub yuav tsis taus tus ntxhais ua poj ua sev es ho muab tus ntxhais xa rov rau neej tsa, lub ncauj